

因明三十三過本作法科本
雲英晃耀著



雲英晃耀著

因明三十三過本作法科本

版權所有 著者藏版

因明三十三過本作法科本

三河 雲英晃耀 著

○本文二 初列名 二隨列釋 初中二 初正列

二傍列 初中二 初總標過數

宗九因十四喻十三支合三十三也

○二別列過名三 初似宗

宗九者一現量相違二比量相違三自教相違四世間相
違五自語相違那已上五過也六能別不極成七所別不極
成八俱不極成九相符極成亦云立已成已上也

○二似因

因十四者一兩俱不成有體無體二隨一不成三猶豫不成四所依不成已上四不成也五共不定六不共不定七同品一分轉異品徧轉不定八異品一分轉同品徧轉不定九俱品一分轉不定十相違決定已上六十一法自相相違十二法差別相違十三有法自相相違十四有法差別相違已上四相違也

○三似喻

喻十者一能立法不成二所立法不成三俱不成四无合五倒合已上似同六所立法不遣七能立法不遣八俱不遣九不離十倒離已上似異

○二傍列三

初九句因

二因三相

三舉量圖異

名 初中二 初列名

九句因者一 同品有異品有二 同品有異品非有三 同品有異品有非有四 同品非有異品有五 同品非有異品非有六 同品非有異品有非有七 同品有非有異品有八 同品有非有異品非有九 同品有非有異品有非有


○二引二頌示正似

纂要頌曰二八為正因四六相違攝所餘皆不定正似應當知理門論頌云於同有及二在異无是因翻此名相違所餘皆不定

○二因三相

因三相者一徧是宗法性二同品定有性三異品徧无性

○三舉量圖異名



○二隨列釋三 初似宗 二似因 三似喻 初中

二 初明古似 二明今似 初中五 初現量相

違 二比量相違 三自教相違 四世間相違

五自語相違 初中二 初問起

問何云現量相違耶

○二答釋二 初引文

答論云現量相違者如說聲非所聞

○二隨釋二 初正釋

問何故是名現量相違耶答與耳識俱時起第六識名現量智違此智故名現量相違也意云世間人現知聲耳所聞而且鳴聲耳聞云聲非耳所聞近違現所知故云爾也

問何物名現量耶答具三義物云現量一非猶預二非顛倒三非重緣也

○二明兼二過

問云聲非耳所聞時唯有現量相違耶答亦有世間相違自教相違也意云世間人皆知聲耳所聞而云聲非耳所聞違世間故有世間相違亦聖教說聲耳所聞而云聲非耳所聞違自教故有自教相違雖有三過現量相違勝故疏云雖此亦有違教世間今者但取違共現量

○二比量相違二 初問起

問何云比量相違耶

○二答釋二 初引文

答論云比量相違者如說瓶等是常

○二隨釋四 初正釋

意云前宗違後因名比量相違也問何故名爾耶答凡云比量物是因也相違因云比量相違以因比知宗故因云比量也問前宗後因者何宗因耶答前宗者瓶等是常本量宗也此宗過故唯舉宗不舉因喻後因者瓶等无常初无後无故如燈焰等之能違量因也此瓶等是常前宗違初无後无故後因云比量相違也

○二出體

問其比量體何物耶答敵論者觀道理智云比量也疏云謂敵論者藉立論主能立衆相而觀義智云義者道理

義也

○三用所作性故因

問唯違前初无後无故因云比量相違乎答亦違所作性故因云比量相違也問何故違所作性故因耶答所作者必無常故瓶等是常宗能違所作性故因也問若用所作性故之因者宗喻用何物耶答量云瓶等是無常所作性故如燈焰等也燈等亦依人力有故是所作性物耳

○四簡異

問宗違於因云比量相違者因違於宗名何過耶答前因違後宗者云決定相違至相違決定可悉之

○三自教相違二 初問起

問何云自教相違耶

○二答釋二 初引文

答論云自教相違者如勝論師立聲為常

○二隨釋

意云勝論師立聲无常人也而云聲常故違自教也自教者凡一切宗師資相承傳來教云自教違其教故云自教相違也

○四世間相違二 初問起

問何云世間相違耶

○二答釋二 初引文

答論云世間相違者如說懷鬼非月有故又如說言人頂

骨淨衆生分故猶如螺貝

○二隨釋二 初正釋

意云違世間人所知故云世間相違也問何故相違耶答此有二種一云世間人皆知月中有鬼月懷鬼而云懷鬼非月故違世間所知所以云世間相違也二云世間人皆知死人頂骨穢而云人頂骨淨故有世間相違也

○二明成餘過二 初示成不定

問付初量立懷鬼非月以有體故如日星等若立月非懷鬼歟答有不定過故不爾立也意云母鬼懷鬼是有體故因關母鬼犯不定過則作法云為如日星等以有體故月非懷鬼耶為如母鬼以有體故月懷鬼耶

○二示成相符

問云懷鬼非月仁志時有何過耶答若加志毛點時有相符過意云母鬼懷鬼非月故懷鬼非月云事我亦相符故有相符過也

○五自語相違二 初問起

問何云自語相違耶

○二答釋二 初引文

答論云自語相違者如言我母是其石女

○二隨釋二 初正釋

意云凡不產生者如石女而有法云我母既有子而物言能別應石女無子違自語有法體與能別義相違故云自

語相違也石女者古人語也
正應云虛女也

○二出理門量

問若又有自語相違作法耶答爾謂有外道立一切言皆是虛妄等云云問何故云是自語相違耶答云一切已言所攝一切之言故思已言實傳言違自語故陳那難云汝所言稱可實事即違有法一切之言云云故疏云名此云自語相違也已上五過本陳那所立也
已下四過商羯羅主加也

- 二明今似四 初能別不極成 二所別不極成
- 三俱不極成 四相符極成 初中二 初問起

問何云能別不極成耶

○二答釋二 初引文

答論云能別不極成者如佛弟子對數論師立聲滅壞極者

立敵共許極成之義也反之可悉也

○二隨釋三 初正釋

意云敵者數論師雖許聲有法不許滅壞能別故云能別不極成也問何故不許耶答數論師本立世間無滅壞無常人故許轉變無常不許滅壞無常

○二引疏詳宗計

故疏云中間二十三諦雖是無常而是轉變非有生滅自性神我用或有無體是常住然諸世間無滅壞法

○三出異名

轉變無常亦名隱顯無常有法體其用成大成小亦隱亦

顯故生滅無常亦名滅壞無常其法體彰生亦滅故

○二所別不極成二 初問起

問何云所別不極成耶

○二答釋二 初引文

答論云所別不極成者如數論師對佛弟子說我是思我者體也思者用也

○二隨釋二 初正釋

意云佛弟子不立我故不許所別我故云所別不極成也

○二辨內外我別

問諸經初既云如是我聞以此見佛弟子立我而何云佛弟子不立我耶答言如是我聞我是五蘊和合法之上假

立我名是假說我也云我是思我數論欲立有神我云者能受用諸法之宗所舉我也此即實我佛弟子不立故不許數論云我是實我之我也思即我也佛法言我是假我之我也思是思心所也故甚異也

○三俱不極成二 初問起

問何云俱不極成耶

○二答釋二 初引文

答論云俱不極成者如勝論師對佛弟子立我以爲和合因緣

○二隨釋二 初正釋

意云佛弟子不立我不立和合因緣故見敵者所別能別

俱不成云俱不極成也

○二別解能別三 初略顯宗計

問何物名和合因緣耶答勝論師立實我我用云和合因緣意云體云我用云和合因緣也問我何義用名和合因緣答我體上有覺樂等和合因緣為成立此等相用云我和合因緣

○二引文具解

故疏云和合因緣者十句論云我云何謂是覺樂苦欲嗔勤勇行法非法等和合因緣起智為相是名我謂和合性和合諸德與我合時我為和合因緣和合始能和合令德與我合不爾便不能云云

○三總結意

意云覺樂等和合云和合也此和合因緣云我也

○四相符極成二 初問起

問何云相符極成耶

○二答釋二 初引文

答論云相符極成者如說聲是所聞

○二隨釋

意云敵者自前所知相符故云相符極成也問敵者自本所知相符可云道理何故云過耶答凡對敵者立證誠道理本意為相諍彼此義同異而立順敵者義之宗徒費功勞何用證誠道理故云相符極成過也已上宗九過了

○二似因三 初不成 二不定 三相違 初中四

初兩俱不成二 初問起

問何云兩俱不成耶

○二答釋二 初引文

答論云如成立聲為無常等若言是眼所見性故兩俱不成

○二隨釋二 初正釋

意云立聲無常眼所見性故時勝論聲論二論師不立聲眼所見性故不許此因徧聲有法又此因見兩不能成宗故云兩俱不成也故疏云非但不能成宗自亦不成因義立敵俱不許名為兩俱不成云

○二明種類二 初列名

問約兩俱不成若有種耶答有四種則有體全分兩俱不成有體一分兩俱不成無體全分兩俱不成無體一分兩俱不成也

○二列釋三 初合論文

問是等中今此論所說兩俱不成者何答此有體全分兩俱不成也

○二解有體無體

問且何云有體兩俱不成無體兩俱不成耶答我云法有言詮因云有體我不言無法言詮因言無體意云今此論作法因舉眼所見性故言詮我亦許故云有體舉實句所

攝故之言詮聲論不言故云無體也

○三解一分

問何云一分兩俱不成耶答勝論師對聲論師立內外一切聲皆無常勤勇無間所發性故時一分內聲勤勇發故見兩成一分外聲非勤勇發見兩俱不成故云一分兩俱不成過也

○二隨一不成二 初問起

問何云隨一不成耶

○二答釋二 初引文

答論云所作性故對聲顯論隨一不成

○二隨釋二 初正釋

意云勝論師對聲顯論師立聲無常所作性故時聲顯論師聲不云所作對不云爾人用此因故不許其因體故云隨一不成也問何故聲顯論師不云所作耶答聲顯論師云聲隨緣顯不生物而所作者是生義也聲顯論師不許此所作故立敵兩中隨一成一不成故云隨一不成也

○二出種類

問約隨一不成若有種耶答疏具有八句問今此論所說者何隨一不成耶答此有體他隨一不成也問何故云爾耶答以共許言立故云有體於敵者之他不成立故云他隨一也問其八句者何耶答如疏也

○二猶豫不成二 初問起

問何云猶豫不成耶

○二答釋二 初引文

答論云於霧等性起疑惑時為成大種和合火有而有所說猶豫不成

○二隨釋二 初正釋

意云遠所而見白色物時猶豫彼物若烟若雲時有人為成立有火之宗立量云彼處有火以現烟故如厨舍等云此云猶豫法上立因也問何故此云不成因答有疑未決定法上立因故因體不成又不能成宗故云不成因今此量以因上生疑兼亦宗上生疑所以者何彼處未決定可有火可無火故宗上生疑也

○二出種類

問約此猶豫不成若有種耶答疏有六句問若爾此論所說猶豫不成六句中何耶答兩俱全分猶豫不成也問何故云爾耶答立敵兩俱猶豫而不成之因故云兩俱為簡於一分云全分也問其六句者何答如疏也

○四所依不成二 初問起

問何云所依不成耶

○二答釋二 初引文

答論云虛空實有德所依故對无空論所依不成

○二隨釋二 初正釋

意云勝論師對經部師立虛空實有德所依故時經部師

不立虛空云物對爾不云人立虛空有法故德所依故因
无所依故云所依不成也有法所依體也因能依義也問
何故虛空云德之所依耶答勝論師云虛空有六德謂數
量別性合離聲云虛空者此六德之所依故虛空云德
所依也

○二明兼隨一不成

佛弟子經部外道德所依故因不許故有隨一不成

○三出種類

問約此過有種耶答疏云由此總有二類一兩俱所依不
成二隨一所依不成云初過有三後過有六具如疏可
悉之

○二不定六 初共不定二 初問起

問何云共不定耶

○二答釋二 初引文

答論云此中共者如言聲常所量性故常无常品皆共此
因是故不定

○二隨釋二 初正釋

意云聲論師對勝論師立聲常所量性故同喻如虛空異
喻如瓶等時所量性故因同異二品共有故云共二品中
定不成故或定不成一宗故云共不定也

○二指不定相

問不定作法如何答論云為如瓶等所量性故聲是無常

爲如空等所量性故聲其是常

○二不共不定二 初問起
問何云不共不定耶

○二答釋二 初引文
答論云言不共者如說聲常所聞性故常無常品皆離此
因常無常外餘非有故是猶豫因

○二隨釋三 初正釋
意云聲論師對佛弟子立聲常所聞性故同喻如虛空異
喻如瓶等時此所聞性故因同異二品非有云不共因離
同異二品定不成常宗返不成無常宗以他不令生決定
解云不定也

○二指不定相

問不共不定作法如何答義心云爲如同品虛空非所聞
性虛空是常聲是所聞性是無常耶爲如異喻瓶等非所
聞性瓶是無常聲是所聞性是常耶又略纂曰爲如瓶等
是其無常非所聞性聲是所聞聲即常耶爲如虛空等體
是常住非所聞性聲是所聞聲無常耶 第三卷文也

○三顯關第二相不定攝

問此不定關何相付過耶答此第二相關付過也故理門
論云以若不共所成立法所有差別徧攝一切皆是疑因
唯彼有性彼所攝故一向離故云云因三相又云三面又
古師所聞性因不名不定
因故有比量如九句義也

○三同品一分轉異品遍轉不定二 初問起
問何云同品一分轉異品遍轉不定耶

○二答釋二 初引文

答論云同品一分轉異品徧轉者如說聲非勤勇無間所發性无常性故此中非勤勇無間所發宗以電空等為其同品此無常性於電等有於空等無非勤勇無間所發宗以瓶等為異品於彼徧有此因以電瓶等為同法故亦是

○二隨釋三 初正釋

意云聲生論師對聲顯論師立量云聲非勤勇無間所發性无常性故同喻如電空異喻如瓶等无常性故因同喻

電空中於一分電轉於一分空不轉異喻瓶等徧有故云同品一分轉異品徧轉不定也

○二指不定相

問不定作法如何答論云為如瓶等无常性故彼是勤勇无間所發為如電等无常性故彼非勤勇无間所發

○三顯兼兩俱不成二 初釋所由

問說此量疏云此因雖是兩俱全分兩俱不成今取不定亦无有過文意如何答聲生聲顯共不云聲无常性故此因見立敵不成故云有兩俱全分兩俱不成也

○二通難

問此量不成不定相雙有者何故疏云若有兩俱不成必

無不定及與相違耶答疏意不定相違過許置因體付過也而有兩俱不成因其因體不成何更言可付不定相違過而云爾也此量云九句中第七句時有不定无不成云同品一分轉異品徧轉不定作法雖有兩俱不成而不定作法門故云今取不定亦无有過也第七句立敵可悉之也聲論為立者勝論為敵者也

○四異品一分轉同品徧轉不定二 初問起

問何云異品一分轉同品徧轉不定耶

○二答釋二 初引文

答論云異品一分轉同品徧轉者如立宗言聲是勤勇无間所發无常性故勤勇无間所發宗以瓶等為同品其无

常性於此徧有以電空等為異品於彼一分電等是有空等是无是故如前亦為不定

○二隨釋四 初正釋

意云勝論師對聲論師立聲勤勇无間所發無常性故同喻如瓶等異喻如電空時无常性故因同喻瓶與異喻電徧異喻空不徧故云異品一分轉同品徧轉不定也

○二指不定相

問作法如何答為如瓶等无常性故聲是勤勇无間所發性耶為如一分電等无常性故聲是非勤勇无間所發性耶

○三約三量結

此共異品一分轉同品徧轉不定

○四明自他比量二 初問

問自他異分同全不定者何

○二答二 初自比量 二他比量 初中三 初正

釋

答大乘師立自比量云我藏識是應異熟識許識性故同喻如異熟六識異喻如餘一切法意云大來自比量故云我許識性故因異品一切法中一分非業果心上有一分色等上无同喻異熟六識上有故云異分同全也

○二指不定相

問不定作法如何答為如異熟六識許識性故汝藏識是

異熟識乎為如一分非業果心許識性故汝藏識是非異熟識乎

○三重釋

意云異熟心云業果心除其餘善不善心云非業果心言非業果心者第七識及餘心心所法也

○二他比量二 初正釋

大乘師對薩婆多立他比量云汝執命根定非實有許無緣慮故同喻如所許瓶等異喻如餘五蘊無為意云他比量故云汝許無緣慮故因異喻色法上有心心所法上無同喻瓶等有故云異分同全也

○二指不定相

即作法不定云為如瓶等許無緣慮故我命根定非實有
為如一分色等許無緣慮故我命根定實有

○五俱品一分轉不定二 初問起

問何云俱品一分轉不定耶

○二答釋二 初引文

答論云俱品一分轉者如說聲常无質礙故此中常宗以
虛空極微等為同品無質礙性於虛空等有於極微等无
以瓶樂等為異品於樂等有於瓶等无是故此因以樂以
空為同法故亦名不定

○二隨釋二 初正釋

意云聲論師對勝論師立聲常無質礙故同喻如虛空極

微異喻如瓶樂等時无質礙故因同喻虛空有極微无異
喻樂有瓶无故云俱品一分轉也

○二指不定相

則作不定云為如一分虛空无質礙故聲是常耶為如一
分樂等无質礙故聲是无常耶

○六相違決定二 初問起

問何云相違決定耶

○二答釋二 初引文

答論云相違決定者如立宗言聲是无常所作性故譬如
瓶等有立聲常所聞性故譬如聲性此二皆是猶豫因故
俱名不定

○二隨釋三 初顯不定攝

意云勝論師立量云聲无常所作性故猶如瓶等聲論師作相違決定云聲常所聞性故如聲性所作所聞二因无常宗今不定常宗今不定故名不定也

○二解名義

問何故此云相違決定因耶答相違者宗也決定者因也无常宗今相違常宗常宗今相違無常宗所作性故因无常宗決定因也所聞性故因常宗決定因也故兩宗乖反因喻各成前後俱邪疑因也故云相違決定因也

○三得名差別

問相違決定與決定相違有何差別耶答雖大意同二名

稍異故疏云相違之決定決定令相違云云意云相違之決定者相違宗之決定因也決定令相違者決定令相違之因也

○三相違四 初法自相相違二 初問起

問法自相相違作法如何

○二答釋二 初引文

答論云法自相相違因者如說聲常所作性故或勤勇無間所發性故此因唯於異品中有是故相違

○二隨釋二 初正釋

意云聲生論師對勝論師立量云聲常所作性故同喻如虛空異喻如瓶等或聲顯論師對勝論師立量云聲常勤

勇無間所發性故同喻如虛空異喻如電瓶問此量令闕後二相令法自相相違方如何答且就初作法者聲者有法自相常者法自相所作性故因同喻虛空非有異喻瓶等有故闕後二相有法自相相違過故云此因唯於異品中有是故相違也

○二能違量

問此能違作法如何答聲無常所作性故同喻如瓶等異喻如虛空後因可準此作因替喻增闕後二相作法大途同前

○二法差別相違二 初問起
問法差別相違作法如何

○二答釋二 初引文

答論云法差別相違因者如說眼等必為他用積聚性故如卧具等

○二隨釋二 初正釋

意云數論師對佛弟子立量云眼等必為他用積聚性故如卧具等時必為他用法自相下為神我他用勝假我他用劣意許差別立者數論師意許欲立神我他用勝義而同喻卧具等假我他用勝物非神我他用勝物故望意許宗轉成宗異品積聚性故因轉彼異品同无異有闕後二相故有法差別相違也

○二能違量二 初立量

問能違作法如何答眼等爲假我用勝積聚性故如卧具等

○二證義

故論云此因如能成立眼等必爲他用如是亦能成立所立法差別相違積聚他用諸卧具等爲積聚他所受用故

○三有法自相相違二 初問起

問有法自相相違作法如何

○二答釋二 初引文

答論云有法自相相違因者如說有性非實非德非業有一實故有德業故如同異性

○二隨釋二 初正釋

意云勝論師對五頂立量云有性非實非德非業有一實故有德業故如同異性時有性者有法自相非實等者法自相以此法自相非實等言尋有法有性時成離實大有性而同喻同異性離實同異性非離實大有性故望意許離實大有性轉成宗異品有一實故等因轉彼同无異有闕後二相故有有法自相相違也

○二能違量二 初立量

問能違量作法如何耶答有性非有性有一實故有德業故如同異性

○二證義

故論云此因如能成遮實等如是亦能成遮有性俱決定

故

○四有法差別相違二 初問起

問有法差別相違作法如何

○二答釋二 初引文

答論云有法差別相違因者如即此因即於前宗有法差別作有緣性

○二隨釋二 初正釋

意云勝論師對五項立量云有性非實非德非業有一實故有德業故如同異性時有性者有法自相今此有法自相下為作大有有緣性作非大有有緣性意許差別也粵立者意許欲立作大有有緣性之宗而同喻同異性同異

性有緣性非大有性有緣性故望意許宗成宗異品有一實故等因轉彼同无異有關後二相故有有法差別相違過也

○二能違量二 初立量

問能違量作法如何答有性應非作大有有緣性有一實故有德業故如同異性

○二證義

故論云亦能成立與此相違作非有緣性如遮實等俱決定故已上因十四 過略如是

○三似喻二 初似同喻 二似異喻 初中五 初能立法不成二 初問起

問何云能立法不成耶

○二答釋二 初引文

答論云能立法不成者如說聲常无質礙故諸无質礙見彼是常猶如極微然彼極微所成立法常住是有能成立法无質礙无以諸極微質礙性故

○二隨釋二 初正釋

意云聲論師對勝論師立聲常无質礙故如極微時聲論勝論共許極微常住不許无質礙故同喻極微雖成所立常宗不成能立无質礙故因故云能立法不成過也問何故其極微不成无質礙故因耶答立敵共極微云有質礙故同喻極微不成无質礙故因也

○二釋不成義

此過有二義一者喻不成因故名能立法不成二者喻見因不成故云能立法不成也

○二所立法不成二 初問起

問何云所立法不成耶

○二答釋二 初引文

答論云所立法不成者謂說如覺然一切覺能成立法无質礙有所成立法常住性无以一切覺皆無常故

○二隨釋二 初正釋

意云聲論師對勝論師立聲常无質礙故如覺時覺者心法也此覺立敵共許无常又許无質礙故同喻覺唯雖成

能立无質礙故因不成所立常宗故有所立不成過也

○二釋不成義

此過有二義一者喻不成宗故名所立不成二者喻見宗不成故名所立不成也

○三俱不成二 初問起

問何云俱不成耶

○二答釋二 初引文

答論云俱不成者復有二種有及非有若言如瓶有俱不成若說如空對无空論无俱不成

○二隨釋

意云聲論師對勝論師立聲常无質礙故如瓶時瓶不常

法又不无質礙法故宗因共不成故名俱不成喻體雖無有喻所依故名有改此量同喻立如虛空對无空論時經部師不云虛空人故虛空同喻宗因共不成故名俱不成喻體喻所依无故云无也問以何知有喻所依名有俱不成无喻所依名无俱不成答疏云有謂有彼喻依无即无彼喻依喻依者瓶空等喻體者常无常等也

○四无合二 初問起

問何云无合耶

○二答釋二 初引文

答論云无合者謂於是處无有配合但於瓶等雙現能立所立二法如言於瓶見所作性及无常性

○二隨釋

意云无屬所作无常義名无合過也問何合屬所作无常義耶答諸所作物皆見無常如瓶等名合屬所作无常意云若无此合屬時不知聲上如瓶等有所作故有无常瓶等所作故必云無常時知聲亦所作故必无常故无所作无常合屬名无合也言是處者是指同喻也

○五倒合二 初問起

問何云倒合耶

○二答釋二 初引文

答論云倒合者謂應說言諸所作者皆是无常而倒說言諸无常者皆是所作

○二隨釋

意云諸所作者皆見无常名順合而倒言諸無常者皆見所作名倒合也問言諸无常者皆見所作有何過名倒合耶答凡立量之本意以所作義欲成无常義不欲以无常義成所作義而倒合諸无常者皆見所作爲云聲所作无常故爲成不樂宗故宗有相符聲論不許无常故因有他隨一不成也已上似同喻之五過略如是也

○二似異喻五 初所立不遣二 初問起

問何名所立法不遣耶

○二答釋二 初引文

答論云所立不遣者且如有言諸无常者見彼質礙譬如

因明三十三近本作法和本
極微由於極微所成立法常性不遣彼立極微是常性故能成立法无質礙无

○二隨釋

意云聲論師對勝論師立聲常无質礙故同喻如虛空異喻如極微時凡善異喻必无宗因處名異法喻而異喻極微見立敵常故極微不能遣常宗故名所立法不遣也言諸無常者見彼質礙譬如極微者此且言離本量宗因言由於極微所成立法常性不遣者凡比量道理所立宗與異喻必相違言也而今此聲論比量所立常宗與異喻極微不相違立敵共許極微常住故云有所立法不遣過也言能成立法无質礙无者无質礙故因无異喻極微言也

○二能立不遣二 初問起

問何云能立法不遣耶

○二答釋二 初引文

答論云能立不遣者謂說如業但遣所立不遣能立彼說諸業无質礙故

○二隨釋

意云聲論師立前比量改異喻極微立如業時異喻業无常无質礙故遣所立常宗不遣能立因故云能立不遣也

○三俱不遣二 初問起

問何名俱不遣耶

○二答釋二 初引文

答論云俱不遣者對彼有論說如虛空由彼虛空不遣常性無質礙性以說虛空是常性故无質礙故

○二隨釋

意云聲論師對薩婆多立聲常无質礙故同喻如極微異喻如虛空時薩婆多云虛空常無質礙故不遣所立常宗不遣能立无質礙故因故云俱不遣也

○四不離二 初問起

問何名不離耶

○二答釋二 初引文

答論云不離者謂說如瓶見无常性有質礙性

○二隨釋

意云聲論師立聲云聲常无質礙故同喻如虛空異喻如瓶等時善離作法可有方可云諸无常者皆見質礙如瓶等不云爾時不能遣常宗與無質礙故因故云不離也重意云常宗濫无常宗无質礙濫有質礙故不能止濫離故名不離過也

○五倒離二 初問起

問何名倒離耶

○二答釋二 初引文

答論云倒離者謂如說言諸質礙者皆是无常

○二隨釋

意云可云諸无常者皆見質礙而倒云諸質礙者皆見无

因明三十三過本作法科本
常故有倒離過也重意云先可舉宗然舉因故云倒也問
倒離者有何過答有非遮因濫過而以質礙成无常也問
若成爾者有何過答凡立量本意遮因濫而為成常宗非
以質礙成无常故倒離者成立不樂為宗故尚是過也
似異喻之五
過略如是也

因明三十三過本作法科本

明治十七年二月五日版權免許
同年四月 出版

定價金貳拾五錢



著者兼
出版人

愛知縣平民

雲英晃耀

三河國幡豆郡一色邨
番外居住

日本三十三通本行法本

發兌書肆


東京	丸屋善七
同	北畠茂兵衛
西京	西村九郎右衛門
大坂	叢書閣
橫濱	丸善支店
名古屋	丸善支店
同	片野東四郎
長崎	鶴野常造
金澤	益智館
新潟	小林次郎

日本佛學書籍調運所

京都府平民

法藏館

西村七兵衛



京都市下京區東六條中珠數屋町
烏丸東入二十人講町二十二番戶

